

አልአሚን፡ ሰር-ዘመን እት ፈን
8^ኛ ክፈለ



ኬትባይ፡ መስሙድ ዑብደለ (አቡ-ኩፊሕ)
መተርጅማይ፡ ዑብደለ መ/ዐሊ (መዐልም)
ኣረትርዮ ሓዳስ

ፍርቀት ማትአ እት ሰነት 1966 እብ ለዐቤት ጀውለት ምን አስመረ አስክ ኣዲስ ጌሰት። መስኡለ ፍርቀት ለዐለ አሰይድ ኣርኣዮ በላይ አሰሉ ኣቶብያይቱ ለዐለ። እሊ ለአመረው እቡ ህዬ እተ ጀውለት ኣቶብዩ ጋይሳም እት እንቶም ዐዙመት ወደ እግሎም ወህቱ እት ዐደጋ ዐርቢ ትወለደ። ወለተረደ ሸዕር እብ ትግርኛ ዐለ። ሐቆ ምን ማትአ ትሳርሐ ህዬ ሙዚዕ ገብአ ወምን ድድ ንዳል ሸዑብ ኤረትርዮ ደዓያት ነሸሮ ለዐለው ሰበት ዐለ ህዬ፡ ዲብ ደንጎበ እብ እዴ ጀብሀት ሸዑብየት ትቀተለ። ህቱ ኣቶብዩ ትቅደም ልብል ዐለ። ወእብሊ ወጠንያይ መግጥሩ ድራር ረሳሰት ገብአ። ለወቅት ለህይ ኣልአሚን እት ልብናን (በይሩት) እት እንቱ ከበር ሞቱ ሰምዐ ወምሰለ ፍንጌ ክሊሆም ዐለ ክላፍ ወጠኒ ሰበት ዐለ እሎም፡ መረ ተአለመ ኣልአሚን። ሐፊመ ሐቆ ሕርየት ኣልአሚን እት ኣሚሪክ እት እንቱ ክልኤ ኣዋልዱ መጸያሁ ወህተን ምን እም ኤረትርዮት ውሉዳት ተን ወጅንሰየተን ኤረትርዮ ትከለአየ። ሐር ላኪን እት ኣልአሚን እንዴ መጽአየ እብ ሰድፈት ናይለ ዐለ ሐል ደግመየ እግሉ። ወህቱ እት ጃልየት እንዴ መጸአ እበን፡ እብ እመን ልትህየበን ትበሀለየ ወእት ደንጎበ እብ ዋሰጠት ኣልአሚን ጅንሰየት ኤረትርዮ ረክበየ።

እተ አሰክ ኣዲስ ኣበበ ጌሰው ጀውሉቶም ሔልያይ ኣልኣሚን ዑብዱሊጢና ሐልዮት እብ ትግራይት ሐሌ ወወቢ ሔልያይ ኣቶብርሃን ሰጊድ እብ ትግርኛ ሐሌ፡ ከምሰልሁመ ትብርህ ተሰፋሁነይ ህታመ ሐሌት። አሰክ ኣዲስ ኣበበ እግል ሊጊሶ ህዩ እት መሰኡል ሸርከት ሰታዮ ኣሰይድ ሰንበራ መሐመድ ደመነ መጻኣው ወጀውሉት ክምሰል ህሌት እግሎም ኣሰኣለው። ህቱመ ምነ ሐዳይስ ባሳትለ ሸርከት (ጂኒቶ) ዕልብ 100 ሀበዮም እግል ዎርት ወሬሕ። ወእብለ ኣሰክ ኣዲስ ኣበበ ሳፈረው ወለፈደበ እሕትፋላት ቀደመው። ፍርቀት ማትኣ እብ ገበይ ሰንዐፊ ዐዲ-ግራት ዐለት ተብጊሰት። ወኣሰክ መቀሌ ኣርኣው። ምን መቀሌ ኣሰክ ዐሱብ ጌሰው። እት ዐሱብ እት ለኣቱ ናይረት ኩብቴ ረክበት ለፍርቀት። እተ ወክድ ለህይ ሸቃለ ብዝሓም እት ሚነት ወመሰፈ ቤትሮል ሰበት ዐለው፡ ዐሱብ እብ ኣዳም ተዐጅጅ ዐለት። ሙዲር ቤትሮል ወመሰፈ ኣሰይድ ክደር ነበራይ ዐለ። ሐቆ ናይ ክልኤ ኣምዕል ኣሰክ ኣዲስ-ኣበበ ገብኣት ተብጊሰቶም። እት መሳፈት 30 ኪሎ ሜተር ትከበተዎም። ለበዝሐው ህዩ ደረሰ ጃምዐት ንጉሰ ህይሌሰላሴ ቶም ለዐለው። ሐቆ ወቅት ህዩ ውዘረእ ወቃደት ዲሽ ገብኣው።

ለፍርቀት እለ ቀደም ምጽኣተ ደሃብ ሆቴል እንዴ ሐጅዘው እግለ ጸንሐው። ወመሰረሕ መልክ ህይሌሰላሴ ሐጅዘው እግለ። እት (ቀሃስ) ክልኤ ሐፍለት ወደው፡ ሳዐት 6 ናይ ምሴ ኣሰክ ኣርበዕ ጽበሕ ምድር ወምን 8 ኣሰቡሕ ኣሰክ 3 ናይ ምሴ። እሊ እንዴ ቀድሞ ዕርፍ ይዐለት እግሎም ወሰታይ። እትለ ጀውሉት እለ ሔልያይ ኣልኣሚን ዑብዱሊጢና ሰማዲቱ እንዴ ትወንዘፈ እብ ትግራይት እት ለሐሌ፡ እሲት ሐቴ ምሰል ብእሰ ኣነ እግል ሀቡ እት ትብል ወህቱ ኣነ ህይቡ እት ልብለ ሰምዎም ዐለ። ሐቆ ገሌ ወቅት ለእሲት እት ትሰዔ እተ መሰራሕ ዐርገት ወለ ደሃበ እንዴ ከምከመቱ እት እዴ ኣልኣሚን ኣብረደቱ። ሳመ ብእሰ ውዳይ እሲቱ ክም ረኣ፡ ህቱመ እብ ሸፋግ ዐርገ ወእግለ ጅልዛኩ ምን ሰላዲ ምሉእ እት እንቱ ሔልያይ ዐድነ ኣልኣሚን ሰለመዩ። ኣዜ እሊ ሚ ለኣርኤከ፡ ኣዳም ኣክል ኣዩ እብ ህግያሁ ልትኣየስ ወለ እንዴ ለህበ ወተዐበ ለኣምጸኣዩ ማልመ ቅይመት ኢለህይቡ። እት ይዐዱ እት እንቱ ህግያሁ ወዳዳቱ ረኣ ወሰምዐ። ኩሉ ገቢል ዐለም ህዩ ክምሰል እሊ ረኣ ምንገብእ፡ እት ዓዳት ወሰዋልፍ ገቢልነ ልትፈከር ወእብ ከኣፎ ሸዑብ ኤረትርዮ ዓዳቱ ለሐሸም ወእግሉ ልትከለል ልብሎ።

እብ ክሱስ ሔልያይት ትብርህ ተሰፋሁነይ ፍቲት ወበዐል ዐባይ መቅደረት ለዐለት እብ ፍንቱይ ህዩ ለትፈቱት ሕላየት ዐለት እግለ (ገዛና ዓቢ ህድሞ፡ ቱካን ቁንጨ ወዲኣም) ምሰለ ክርንተ ለግርም ወለ ህተ ትወድዩ ለለኣትዐጅብ ረግስ እንዴ ትመሳኔት ጀምሁር እግለ ዓፊህ ሃህ ወዴ ወእግል ልሰመዐ እዘኩ ቃፍር ከለኣተናሴ። ከሐቴ ዶል ምነ ናይዩ ፈተቶ-ፈን ዎርት ሻብ እት መሰረሕ እንዴ ዐርገ ቢፍባፍ እግሉ ረሸዩ ወህተ እብ ቢፍባፍ እት ቀፍለት ኣቴት ወትበሪህ ኣሰክ ዕደደት ጌሰት ወለሕጸን ፖሊስ ኣሰክ ሰጅን ነሰኣው። እብ ሸፋግ እንዴ ኣቅበለት ሕላየተ

አትመመት። እትለ ጀውለት እለ እብ ደረጀት ሕኩመት እተ ወቅት ለሀይ ወዘር ለዐለ አሰይድ ሐረጎት ሰዩም ዐዘመት ወደ እግሎም። ላመ እብ ፍቲ ወሕሸመት ዐዶም ልቦም ነድድ ለዐለ ጃምዕዩን ሸባባት እግለ ማጽኦት ለዐለት ፍርቀት ወዓዳቶም ወሀውቶም ትሸሬሕ ለዐለት። እጅትመዕ ወደው ምሰሎም ወደሚሮም ወደሚር ገቢሎም ክምሰል ትወክል ሸርሐው እግለ። ኣዜ እት ድወል ግዋሬ ደርሶ ሰበት ህለው ምሰሎም እግሎም መ ዐዶም ለወክል ሐልየት እግል ልሕለው እግሎም ትነየተው እቶም። ወሐር ሐቴ ሕላየት ናይ ሱዳን ቀደመት ለፍርቀት ወለ ደረሰ ለሱዳንዩን እበ ፍርቀት (ማትኦ) ቀደመቱ ሸክሮም ወሐምዴህም ሸርሐው።

“ማትኦ” በርናምጀ እንዴ አትመመት አስክ ካልእ መዳይን አቶብየ አተጀሀት። አስክ አዋሰ ወምኑ አስክ ድሬደወ ዓሲመት ሀራር። ገሌ ምን ዙዐማእ ሰውረት ነብሮ እተ ለዐለው ከረ አኑርብርሃን አሕመዲን ወምነ አስክ ጅመ አተጀሀት። ዓሲመት ቡን ወምነ አስክ ጎጃም እት በሀርዳር ትከረው። ምናመ አስክ ጎንደር አተጀሀት። ምኑመ ህዩ አስክ ሺሬ እንዳሰላሴ ገበዮም አተላለው። እብ አክሱም ዐዲኳለ አስክ ዐዶም አቅበለው። እትለ ጀውለት እለ ለትፈናተ ሐልየት ተሐለ።

- ሔልያይ አልአሚን ዐብዱለጢፍ ምነ ሐለየን ሐልየቱ
- * አንታ ጉሁይ ልበይ ሕጃዶ ይሕሸክ ለትብል ሕላየት ሐለ
- * ኩርዒ ከምድላይኪ ኩርዒ ተበርጠጠ
- * ኣነ እንታይ ጉደይ ሰኣን ምፍላጠይ እዩ እምበኣር
- * ጨካን ልበይ

እሊ ወካልእ ወጠንያይ ሐልየት ሐለ እት አዲስ አበበ። እለ ፍርቀት እለ ኩሉ ነሻጣት ተኣትጋይስ ሐቆለ ጸንሐት እት ደንጎበ ጀውለተ ገሌ ክላፍ ሐሰለ እተ ወአዕደእለ ፍርቀት አስክ መሓክም አወሀለው። እለ ሸክወት እለ ህዩ ድድለ ዐቢ ሔልያይ አልአሚን ዐብዱለጢፍ ወአቶበርሃን ሰጊድ ወተበርሀ ተሰፋሁነይ ዐለት። ለህቶም ለሐልው ዐለው ሐልየት ለበዘሐ ምኑ ወጠንያይ እብ ግብአቱ። አስክ ሕኩመት ሰበት በጽሐው ተወልዴ ረዳ ወለ ክልኦት ሐዉ ህቶም ትፈናተው። እሎም ህዩ (ማትኦ) እንዴ ትፈንተው (ሮኬት ባንድ) ትበሀለው። ገሌ ምን ደረሰ ጃምዕት ለዐለው ለኦት ፍንጌ (ማትኦ) ዐለ ክላፍ እግል ለአጭቡቡ ሐዘው ላኪን (ሮኬት) አበው። እንቱም ሸቁልኩም አተላሉ ትበሀለው ፍርቀት (ማትኦ) ወ(ሮኬት ባንድ) ሐቆ ትፈንቴት አስክ አዲስ ጌሶት ወለምሰል (ማትኦ) እት እንቶም ራክባመ ለዐለው ሕሸመት እግል ልርከቦ ኢቀድረው።

ኣዜመ እብ ሐዲስ ፍርቀት (ሮኬት ባንድ) ድድ ፍርቀት (ማትኦ) ተዕቢኣት ወዴት ዶልመ ምሰል ሸፍተ ትትዓወን ትቤ ወዶልመ ካልእ ምህታት ወህተ እግል ኖሰ እት ክልኤ እንዴ ትከፈለት ዘርኣይ ደረሰ ባንድ ትፈንጨለት ምነ ወእት ደንጎበ እት አድሕድ አቅበለየ። ምሰል እሊ ኩሉ ዋጀሀ ለዐለ ተሐዲ ፍርቀት (ማትኦ) ብዙሕ ሐልየት አፍሬት። ሕላይ ሻም ወወጠንያይ ሐልየት። ሔልያይ አልአሚን ዐብዱለጢፍ እግል ኖሱ ምነ እተ ወቅት ተሐዲ ለዐለ ወቅት ለሐለየን ሐልየት።

* ሰላም ክብለኪ ሰላም ፍቀድለይ

ከምስልሁመ ሕላዮት ለናይለ ወቅት ለህይ መስደድ ወመታክል ለትሸሬሕ ወመናበረት ገቢል ለትዳግም።

* ዓባይ አበ ሸውል

እብ ከሊማት ወለሐን ኖሱ ላተ ሕላዮት እት ሰነት 1967 ለፈሬትተ።

እለ ምሽክለት እለ ህይ እት ሰነት 1967 ሙዲር በለድየት ለዐለ አሰይድ ሐረጎት አባይ፣ ሐይ አባ ሻውል እግል ልትሐንፈጭ አማውር ሰበት ሓለፈ ወለሰካን እለ ሐይ እለ ለበዘሐው እት ድህርት መናበረት ነብሮ ሰበት ዐለው ለናዮም መሳድድ ለትሸሬሕ ዐለት። ላኪን አደቀብካህ እንዴ ትበህለ ብዙሕ ከሊማት ወመዓኒ አትፈሬው ምነ። እትሊ ሐይ እለ ለኢትብዔ ወኢትትረሰዕ፡ ሰነት 1967 ወሬሕ ማርሰ በለድየት እንዴ መጸአው እግለ እተ ሐይ ንዱቅ ለዐለ አብያት በራሸመው (x ወደው እቱ) ወሕኩመት ተዐዊድ እግል ተህበኩምቱ ትቤ። ወለናይኩም መሰሐት ቤት እት ሐዘሐዘ እግል ነህበኩምቱ ትበህለው። ወፈጅረት ሕኩመት እግል ትሓፍሩ መጸአት። ለሰካነ ሐይ እብ ጽራራት ወብካይ ወበአሰ አካይ ሐል ሐሰለ። አልባብ ሸዑብ ህይ እበ ሐዘን ወረብሸት ሓለት አባይ ገብአት ሓለቶም። ሐልያይ አልአሚን ዑብዱለጢፍ ምን እለ ሓለት እለ እንዴ ትበገሰ እግለ ዐለ ተየልል እብለ ገበይ ፈን ሸርሐዩ ወእላተ አዜመ ሰነት መጽእ ወትገይሰ ትሰመዕ ወትደገም ህሌት። ሐልያይ አልአሚን ዑብዱለጢፍ እበ ዐለት እግሉ ቅድረት ፈንዩት ሐቆ እለ ሕላዮት እላመ እብ ሐዲስ ለፍንጌ ሓግል ወራክብ ዐለ ወህለ መሻክል እጅትማዲየት እግል ትሸረሕ ለትቀድር ሕላዮት ሐለ። ወህተ ህይ፡ “ወዲ ሰብ ንኩብዱ ጥራይ አይኮነን ዝክብር”፡ ሐቆሃመ ሕላዮት “ኪድለይ ኪድለይ አይደልየክን እምብለይ፡ አፍኪ ምሳይ ልብኪ ምስ ደበሳይ” እግለ ሐለ ምስል ትበሪህ ተሰፋሁነይ። ሐቆሃመ ብዘሓት ሐልየት ተሐለየ። “ሊፍ ትዕግሰቲ መጽረዩት ርስሓት፡ አብ ሓዊ ተአትዊ ብፍቅሪ ብዙሓት”። እለ ህይ ምን ተእሊፍ ንጉሴ መንሰዓይተ። ለናየ መድሙን ህይ ሊፍ ጀብህት ተሕሪር ቀሰዶ እበ ዐለው። አባይ እንዴ ፈለት ሸዑብ እት ዐዱ ወዳሩ እግል ትብለሱ። ሐቆሃመ ሕላዮት “ካብ ሎሚ ክሳብ ጽባሕ ንዘልኣለም” ወሕላዮት “ጸብሐ ጸም” ወእብ ትግራይት ሕላዮት “ሐቆኪ ኢትትነበር አሰመረ” እብ ሰብብ እለ ሕለየት እለ ህይ እት ባጾዕ ትሰጅነ ሐልያይ አልአሚን ዑብዱለጢፍ። ወምን ዝክርያት መርሐም ሐልያይ አልአሚን ዑብዱለጢፍ እት ሰነት 1971 አያም ሕኩም እምብራጦር ህይለስላሴ እግል ዝያረት አሰክ መዲነት ከረን ጌሰ ሰልፍ እንታጁ ፈ'ኒ እብ ግብአተ ክል ዶል ለአትቀባብለ ዐለ።

ምስል ዎሮት መለህዩ ትዋጀህ፡ ህቱ ሰዋግ መኪነት ዐባይቱ ለዐለ። ወቤለዩ “ያአልአሚን አነ ፈጅር አሰክ ነቅፈ ብጉሰ ህሌኮ ወእንተ ያለ ምስልዩ” ቤለዩ። አልአሚንመ እብ ጀህቱ ዋፈቀ ምስሉ ወላሊ እት ሆቱ ምዩይ እት እንቱ እበ ሰፈር ለሐሰብ ትመየ ወፈጅረተ ጽቤሕ ምድር ሰፈርም አንበተው፡ አሰክ ነቅፈ። ወሐቆ ገበይ ረያም ሰር አደሐ አፍዐበት በጽሐው። አዳም አልአሚን ዑብዱለጢፍቱ ክምስል ቤለዎም ኩሉ ረአሱ በጽሐ ወገሌ ምኖም እብ ጠሊት ወአመድፍ ህያብ

እንዴ ጸብጠው መጸአው። አልአሚን ሆዬ፡ “ህያብኩም ክቡቱ አነ ወላኪን እቅባለቼ ምን ነቅፈ” ቤለዮም ወገበዩ አተላለ ምስለ ምስሉ ማጽእ ለዐለ ሰዋግ። ሐቆ ምን አፍዐበት ሐልፈው እት ሕሊል ሕዳይ ተሓበረው ገበይ መትከላስ እግሎም አቤት። አልአሚን ዶልተ ምዶል ገብእ እንበጽሕ ወኢልትከለስ እሊ ሕሊል እት ልብል እብ ሰኣል አሰር ሰኣል እግለ ሰዋግለ መኪነት አምሸገ። እት ደንጎበ እብ ሰጋድ እት ነቅፋ መቸ ቤለው። ወእተ መዲነት አምሰው። አልአሚን ኬን ወእንሰር አምሆለለ ወአመት ዎሮት እንዴ ኢደሌ ፈጅአተን ምስል እስታዝ ኢብራሂም ሓጅ ትዋጅሀ። ወኢብራሂም ሓጅ ቤቱ ነሰአዩ። ወሰር ላሊ ጦር ሰራዊት ለዐቢ ሐልያይ አልአሚን ዐብዱለጢፍ ዮም ምን አሰመረ እት ነቅፈ ማጽእ ህለ ሰበት ሰምዐው እት ቤት ኢብራሂም ሓጅ ከርከሐው።